



Jens NapátôK'
Inatsisartunut ilaasortaq, Naleraq

§ 37 naapertorlugu apeqqutip nr. 058/2025-p akineqarnera

17-06-2025
Suliap nr- 2025 - 12308
Akt -id: 25458259

Asasara Jens NapátôK'

Postboks 1160

Tlf: 34 50 00

3900 Nuuk

Email: pn@nanog.gl

www.naalakkersuisut.gl

Inatsisartut suleriaasianni § 37, imm. 1 malillugu Naalakkersuisunut apeqquteqarputit.
Naalakkersuisut apeqqutinut qujapput, apeqqutit akissutaalu ataani allanneqarput.

- 1. Naalakkersuisut §37 nr. 026-mut akissuteqarneranni nakorsiarniarlutik angalasut qassit kinguaattoormik eqqugaasarnersut nalunaarsorneqartannginnerannut suna peqqutaava?**
 - a. Nalunaarsorneqartalissappata suna pisariaqartinneqarpa imalt. allanngortariaqarpa? Atortutiguuppat, aningaasatiguuppat, inatsisitiguuppat imalt allarluinnarmut tunngassuteqarpat Naalakkersuisut tunngavilersoqquneqarput.**

Akissut: Napparsimasut angalaniallutik kinguaattoortut amerlassusaat kisitsisaatiginissaannut tunngatillugu peqqinnissaqarfik systeminik ineriartortitsisimanngilaq. Kinguaattoortut kisitsisaatigilernissaannut napparsimasut ataasiakkaat kinguaattoormerannik nalunaarsuinissamut systeminik ineriartortitseqqartoqartariaqarpoq. Pisariaqartumik nalunaarsuisarnissamut systeminik ineriartortitsisoqarnissaa pisariaqarpoq kiisalu paasissutissat nalunaarsornissaannut isumalluutit pigineqartariaqarlutik.

- 2. Nakorsiarniarlutik angalasut kinguaattoormik eqqugaasartut qassiuneri nalunaarsorneqartannginnerat Naalakkersuisut naammaginartut nalilerpaat? Akissut tunngavilersoqquneqarpoq.**

Akissut: Kinguaattoormerit pillugit pitsaannerusunik paasissutissaateqarnissaaq pitsaassaaq, taamaattoarli iluaqutaasinnaasut eqqarsaatigalugit maannakkut systeminik taakkuninnga pilertitsinissaa ingerlatsinissarlu pisariuallaassasut Naalakkersuisut naliliipput. Peqqinnissaqarfiup pingaarnertut sullissinerinit, tassalu napparsimasunik paasiniaanermit, katsorsaanermit paaqqutarinninnermillu isumalluutit atuisoqarneranik kinguneqassaaq.

EPJ-mut nutaamut atatillugu katsorsaanermit aqutsinermullu tunngatillugu paasissutissanik atuinerup pitsanngorsarnissaa anguniakkat ilagaat, taamaaliornikkullu

peqqinnissaqarfiup pingaarnertut sullissineri artukkinngikkaluarlugit aqutsisut paasissutissanik pissarsiaqarnerunissaannut tunngavissiisoqassaaq.

3. **Ukioq kingulleq (2024) §37 nr. 163-mut Naalakkersuisut akissutaanni qarasaasiatigut (elektronisk) napparsimasunik allattuiffik 'Cosmic' nutaamik taarserneqartussaana pillugu, taartissaani oqaatsit sorliit salliuinneqassanersut akisinnaangikkallaraat – massakkut Naalakkersuisut apererusunnarput:**

a. Suliaq sumut killippa?

Akissut: Suliassaq Kalaallit Nunaanni pisortani ataatsimoorussamik IT-lerisumit, Inussuk-IT-mit, suliarineqassaaq. Piumasaqaatit piumasallu qulaajarnissaat anguniarlugu assigiinngitsunik misissuisoqalernera kiisalu EPJ-imik nutaamik atuutilersitsinermi anguniakkat iluaqutillu suunerannik qulaajaasoqalernera Inussuk-IT-mit ilisimatitsissutigineqarpoq.

Tamatuma peqatigisaanik niuerfimmi pisiortortarfinnik attuumassuteqartunik misissuisoqarpoq, paasissutissallu pisariaqartinneqartut pigineqaleriapata pisiortortarfimmik isumaqatigiissuteqarnissaq siunertaralugu tamanut ammasumik suliariumannittussarsiuussisoqarumaarpoq.

b. Napparsimasunik allattuiffik nutaaq kalaallisut oqaatsitsinnik aallaaveqassava?

Akissut: EPJ-imut tunngatillugu oqaatsit isumaqangaatsiarput. Tassami napparsimasut isumannaatsuunerannut, paasissutissat pitsaassusaannut, paasissutissanik avitseqateqarnermut, inatsisilerinermut allarpassuarnullu sunniuteqartarpoq, taamaammallu ajornartorsiut siammasissumik sulissutigineqarpoq. Taamaammat journalimi nutaami oqaatsit (pingaarnertut) sorliit atorineqassanersut isummerfigineqanngilaq. Systemit ineriartortinnissaannut periarfissaqassaaq, taamaalilluni journali tunngaviusumik oqaatsinik atuiffiunissaa periarfissaasinnaavoq, taamaattoorli assersuutigalugu silassorissuusialq atorlugu oqaatsinut allanut nutserisoqarsinnaalluni.

c. Tuluttut oqaasilinnit aamma atorineqarsinnaassava?

Akissut: Eqqaaneqareersutut pingaarnertut oqaatsinut atorineqartussanut aamma napparsimasut allattorsimaffii oqaatsinut allanut nutserneri pigineqarniassammata systeminik marloqiusanik oqaasertalinnik misiliutitut ineriartortitsisoqarnissaanut tunngatillugu sulii summertoqanngilaq,


d. Allattuiffik nutaaq qanoq akeqassava aammalu

Akissut: Systemimut tunngatillugu sulii suliariumannittussarsiuussisoqarnikuunngimmat systemissamut aki sulii ilisimaneqanngilaq.

e. Kalaallisut oqaatsit atorineqarsinnaalissappata qanoq akeqassava?

Akissut: Suli naatsorsuisoqanngilaq. Periutsip sorliup
atorneqarneqarnissaanik toqqaaneq apeqqutaalluni aningaasartuutissat
paasinarsiumaarput.

Inussiarnersumik inuulluaqqusillunga
Med venlig hilsen



Anna Wangenheim